

Rasipanje novcem “Bosnalijeka”



Amar Arslanagić: Određen mu pritvor

Arslanagić na putovanja potrošio 392.000 KM

Amar Arslanagić, bivši direktor za inozemni marketing u “Bosnalijeku”, potrošio je na oko 87 navodnih službenih putovanja u proteklih nekoliko godina oko 392.000 KM, s tim da nijedan putni nalog nije valjano opravdao, pokazala je istraga u predmetu “Buyer”.

Riječ je o nalazima vještaka finansijske struke, a putovanja se odnose na Dubai, Moskvu, Atlantu, Pariz, Kuvajt... Za navedeni iznos, samo u ovom slučaju, oštećen je budžet Kantona Sarajevo i Federacije BiH.

Arslanagića je SIPA uhapsila krajem maja ove godine, a on se skupa s ocem Edinom Arslanagićem, bivšim izvršnim

direktorom ove firme Šefikom Handžićem te Hasanom Šepom, vlasnikom “Brštanice”, sumnjiči da je počinio višemilionski kriminal. Prije nekoliko dana produžen mu je pritvor za još dva mjeseca.

Početkom godine osuđen je na godinu zatvora zbog pronevjere u službi i dužan je kompaniji “Bosnalijek” vratiti više od 71.000 KM. No, kazna mu je preinačena u novčanu, tako da je Tužilaštvo KS prije nekoliko dana otvorilo istragu protiv bivšeg tužioca u ovom predmetu Ermina Gačanovića. On se sumnjiči za zloupotrebu položaja ili ovlasti.

M. Aš.